

**FRANC. ERN.  
BRUCKMANNI, MED.  
DOCT. ACAD. CÆSAR.  
NAT. CUR. ET SOC.  
REG. PRUSS. SCIENT...**

---

Franz Ernst Bruckmann

EPISTOLA ITINERARIA XLVIII.  
 EXHIBENS  
 MEMORABILIA POSO-  
 NIENSIA

AD  
 VIRVM REVERENDISSIMVM CLARISSIMVM ATQVE  
 DOCTISSIMVM DOMINVM,  
 DOMINVM  
 FRID. CHRISTIAN.  
 LESSER,

VERBI DIVINI MINISTRVM NORTHVSANVM AD MON-  
 TEM MARLÆ VIRGINIS FIDELISSIMVM,  
 ET  
 ORPHANOTROPHII ADMINISTRATOREM GRAVISSIMVM,  
 AMICVM COLENDISSIMVM,  
 OBSERVATA


FR. ERNEST. BRVCKMANNO. D.

---

CUM FIG. ÆNEIS.

---

WOLFFENB. MDCCXXXVI.



VIR PLVRIMVM REVERENDE

ATQVE

DOCTISSIME,

FAVTO ET AMICE ADMODVM COLENDE!

---

**V**ienna Austriae, eiusque suburbio, *Vir plurimum Reverende*, die 22. Mart. 1724. relicta, ad latus sinistrum proxime & immediate ad circumvallationis lineam *Hospitalium St. Marco dedicatum*, in quo tantum personae impurae lue Venerae decumbentes pristinam sanitatem, voluptates deplorentes morbiferas, nec non meretrices felix puerperium exspectant, pertransivimus. Institutum sane optimum maximopereque laudandum, nam infanticidia criminosa in urbe inhihet, & nutrices infantibus, quorum matres lactis defectum in uberibus laborant, porrigit. Iter abhinc ducit ab oppidulum & monasterium Capucinatorum, *Schvvaechet*, porro ad oppidulum *Fischeredt*, hinc ad *Hainburg*, *Haimberg*, *Haynburg*, *Haimburg*, *Hamiburgum* s. *Hamburgum Austrie*, nonnullis antiquitatis Romanae monumentis & fonte loterio frigido, cuius aqua vero prius ante usum

ad ignem calefit, nobile, in Finibus Austriae & Pannoniae situm, oppidulum. Ex multis & magnis ruinis, nec non muris disiectis, hodie adhuc videndum, quod locus sit perantiquus, & olim maximus fuerit, quietiam praeposituram, hodie non amplius obviam, habuit. In monte alto vicino, *Haynberg* dicto, a quo oppidulum dubio procul, nomen habet, est castrum vetus Comitum Loewenburgensium inhabitabile, in quo praestantissimi falcones indificant. Sunt, qui sed absque vero fundamento, perhibent, hanc arcem obsoletissimam veneficis & fascinatoribus habitationem esse, qui sua conventicula, non aliter ac in monte Hercyniae sylvae Bructero, hic haberent & saltando tempus cum cacodamone fallerent. Conf. Georg. Gottl. Müllers berühmtes Erb-Haus Österreich / nach dessen Evidern / Städten. &c. p. 84. Incolarum quaestus & victus pronunc, emporio & commercio dehinc a Leopoldo IV. Austriaco Viennam translocato, desumitur ex vineis & re rustica. Adest hic loci Imperatoris fabrica tabaci, in qua folia Peti arida partim in magdaleones volvuntur & torquentur, partim in pulverem & granula minutissima, pulvis nasalis vulgo dicta, quaeque nares, pica laborantes, avidè attrahunt, comminuntur; quaedam huius species pulverem sternutatorium Hispanicum subtilissime tritum refert. Frumentum Turcicum, Mais appellatum, hic copiose plantatum vidimus.

Tantem ad nobilem Hungariae civitatem, *Pozsonium*, *Pisonium*, *Presburg*, in Marcomannorum & Quadorum finibus, decem Viennae milliariibus sitam accessimus. Sita est ad Danubii ripas, quem magnum fluvium in duobus rectis pontibus, & uno volante, sitigende Bructe / de quo Sturmii diss. de arte flumina reddendi navigabilia & de ponte sublicio, qui figuratus

ibi prostat & videndus, evolvenda, supergressi fu-  
 s. Statio nobis in suburbio in diversorio ad aqui-  
 nigram fuit. Hæc urbs, quæ Latinis quoque  
*cum* dicta, est locus perantiquus, pulcher, juncun-  
 , 38. grad. 13. min. longitud. & 48. grad. 25. min.  
 ud. situs, non admodum spatiosus, sed ampla ha-  
 s suburbia, quæ maximam eius constituunt par-  
 , imo urbem ipsam magnitudine multum superant,  
 pugnaculum adest munitum sed minime valentis-  
 um, fossa profunda, aqua repleta, circumdatum.  
 es habet in mœnibus *porias* & januam parvulam,  
 Psörtgen. Portæ St. Michaelis magnis literis aureis  
 dicta leguntur verba:

OMNE REGNUM IN SEIPSVM DIVISVM  
 DESOLABITVR.

*Templum in urbe cathedrale, die Stiffts-Kirche*  
*Martino* dicatum est, in hoc reges, exemplo Jo-  
 hi Anno 1687. Caroli VI. Anno 1712. & ejus uxoris  
 sabethæ Christinæ, Anno 1714. solemniter diade-  
 te coronantur. Coronationem Regum Hungariæ,  
 habitu & ornatu nec non machæra Regis Stephani,  
 sonii, vid. apud E. Francisci *lustiger Schau-Bühne*  
*erband Curiositäten Part. I. p. 381. Monasterium*  
 oque non unum, sed plura adsunt, nempe Colle-  
 um Jesuitarum, Franciscanorum, Capucinatorum,  
 atrum misericordiæ, Crucis dominorum, *der Kreuz-*  
 rrrn, virginum sacrarum Ursularum, *der Urseli-*  
 - *Nonnen*, it. monialium St. Claræ dogmata, leges  
 statuta rite observantium, *Clarisserinnen-Nonnen*,  
*Clarens Nonnen-Closter*. St. Claræ de monte Falco  
 ginis icunculam hic addimus, in qua sequentia  
 enda:

Infige pectori tuo, cordi tuo, ut opera tua crucifixi:  
 ifige & brachio tuo, ut opera tua peccato mortua  
 „fint:

A 3

vid.  
 Tabula

Mortua sum, non sum, quondam Regina Canopi:

Mors vitam rapuit, pharmacopœa dedit.

Spiritus excessit deserta carne sub umbra,

Sed caro, corrumpi nescia, & ossa manent.

Sag', was soll wohl dich seyn / so lebt und lebt doch nicht?

Wilst wissen diese Trag / so fass mich wohl zu Gesicht.

Ich leb, und leb doch nicht; vorhin ein Purpur-Kind;

Anjetzt ein Mumien, dergleichen nicht viel sind.

Dass ich nicht lebe mehr, ist Ursach Todes-Nacht.

Dass ich doch lebe noch, giebt Apotheker-Macht.

Vid. plura in den Breslauer Kunst- und Natur-  
Geschichten / Versuch. pag.

Cleopatraz Regina corpus 126. Olympiadum spatio, quod nostrorum annorum 504. a Græcis deductum adimplet, integrum ac incorruptum Heracleus Imperator invenit, ut ex ejus ad Sophoclem, amicū suum, epistola abunde videre est. Et sic quær, quomodo & quando hæc Cleopatraz mumia sit Posonium transportata?

*Monasterium Fratrum Misericordie*, quod in suburbio existit, est unicum hujus ordinis in tota Hungaria. Valerudinarium quatuordecim habet lectos, in quibus mille morborum speciebus afflicti, cibo & potu innocente a monachis gratis recreantur, medicamentis salutaribus, sub regimine medici ordinarii, prospiciuntur, sanitatem pristinam desiderant & recuperant.

In medio feri, quod pro civitatis dignitate magnificum satis & amplum, itat curia cum turri. Collegium Senatus dimidium ex membris Evangelicis & Romanis constat, cum plurima pars civium verissimæ sit Evangelicæ fidei addicta. Forum quoque fonte egregio, pellucidissimam saliente aquam, ornatum.

In urbe palatium habet Vice-Rex s. Palatinus, & in suburbio Archiepiscopus splendidam possidet domum,

um, cum viridario perjucundo, ambulacris, specubus, vulgo Grotten, fontibus salientibus curiosis artefactis, viscinis, eremitarum domunculis & aliis blandimentis ornato.

Maxima incolarum pars Evangelicam Christi salvatoris sequitur doctrinam, in suburbio ædem sacram, *ein Betthaus*, habet, cui præsunt quatuor orthodoxia imbuti verbi divini ministri, ovium Christi fidelissimi custodes; tres ex cathedra sacra lingua Germanica sermones recitant; quartus est Bohemo-Hungaricus, qui lingua Sclavonica populo conciones dicit. Inter hos Dom. Matthias Bel, olim scholæ Evangelicæ Neosoliensis, post Posoniensis, Rector, vir præstantissimus & doctissimus, quem tota natio Hungarica summopere admiratur, & cui principem locum inter eruditos meritissime tribuit. Est polyhistor exquisitus & historicus præcellens, teste eiusdem prodromo Historiæ Hungariæ Nov-Antiquæ, qui Anno 1723. in sol. c. fig. Norimb. lucem adspexit; Opus ipsum, quod jam in manibus sedulo volvitur, ex aliquot tomis constabit, quorum primus hoc anno prodiit. In his Historia Hungarica, & nova, & antiqua, secundum methodum, in prodromo apertam, pertractabitur. Cum vero stupendi laboris opus, nec unius hominis lucubratio sit, aliorum Doctorum virorum opera & studio multum facit, quo egregium diuque desideratum hocce opus eo citius terminum attingere possit ultimum. Vir nominatus præclarus præterea in officio suo sacro & ecclesiastico multum laboris habet. Reliqua perdocta opera, quæ calamus eius ornatus cum orbe erudito jam communicavit, sunt sequentia: Anno 1713. in linguam Hungaricam transtulit Dom. Ioh. Anastasii Freylinghausens *Compendium der gangen Christi Lehre* sub rubrica: *Compendium, avagy Rovid summaja az*  
B egefsz



egesz Kereszteny Tudomanyinak XXXIV. articulusiban foglaltatott, Es az idvezsegek Sz. Irasbeli-  
rendi Kerdesekben es Feleletekben eleinten Nemet  
Nyelven el - Keszitterett Freylinghusius I. Anastasius  
Glauch. Adj. Lelki Pafztor altal; most pedig az igaz  
hitbeli Magyar Anyaszentegyhaz Kedveert Magyar  
nyelvre fordittatott es az Igaz Keresztrenyi Eletre  
valo rovid es egyngyu vezetleffel meg. bovi-Herven  
Ki - bothfattatott. *Bel Matyas*, &c. Saxoniai Hallaban.  
1713. 8vo.

Domini Hungari in consuetudine habent, pronomi-  
na lustrica nominibus propriis s. agnominibus post-  
ponere.

Matthiæ Belii Rhetorices veteris & novæ præcepta  
usu necessaria; accessit poetica. Lipsi. 1717. 8vo.

Flos Medicinæ s. Scholæ Salernitanæ de conservanda  
bona valetudine præcepta metrica, auctore Johanne  
de Mediolano; in usum adolescentiæ edidit & peranti-  
qua versione Bohemica illustravit Matth. Bel. Posonii  
1721. 12.

Diff. academ. de forma sanorum verborum, sub  
Præf. D. Joach. Breithaupt. Halæ. 1709. 4to.

Das Neue Testament / Böhmisch. Hall. 1709. 12.

Eine neue Auflage von Arends wahren Christen-  
thum / in Böhmischer Sprache / davon er das 3te  
Buch selbst übersetzt. 1715. 8v. Hall.

Grammatica Latina ad modum Christ. Cellari, fa-  
cilitati restituta, Latine & Germanice. 8v. Leutschau.  
1717.

Institutiones Grammatices Germanicæ, in usum  
adolescentiæ Hungaricæ, cum præfatione, de linguæ  
Germanicæ & Slavicæ in Hungaria ortu, propaga-  
tione & dialectis. 8v. Leutschoviz. 1718.

De vetere litteratura Hunnoscythica exercitatio. 4to  
Lips. 1718.

Christoph. Cellarii Latinitatis probatæ & exercitiæ li-  
ber memorialis, plurimis vocibus latinis, & versione  
Hungarica atque Bohemica locupletatus. 8v. Norimb.  
1719.

Arends Paradis. Göttslein / Böhmisch. 12. Leutschau.  
1720.

Die Bibel in Böhmischer Sprache/ nach dem Ebrai-  
schen und Griechischen Grund-Texte aufs genaueste  
übersetzt/ nebst einer Einleitung zu Lesung der Heil.  
Schrift. groß 8v. 1722.

Arend's Paradis. Göttslein / Ungarisch übersetzt. 12.  
Nürnberg. 1723.

Ethica Davidico-Salomonæa, cum præfatione de  
abusu Ethicæ Ethnicæ ex scholis Christianorum elimi-  
nando. Lips. 1724.

Nov. Testam. Lat. cum præfat. de lectione biblio-  
rum a puero instituenda. Ibid. 1724.

Et hic est Catalogus scriptorum Belianorum, Dicitur  
vir venerandus curiosus monstrat sceleton animalis  
minus noti, ad Deminova pagum effossum quod sub  
nomine sceleti Draconis accepit; nec non dentem Ele-  
phantis permagnum, intus calcinatum, in Transyl-  
vania ex terra erutum. Nihil jam habet amplius ha-  
buit autem antehac multa petrificata, sed quæ illustri  
Heræo, Antiquario Cæsareo, dono misit. Evange-  
lici, præter ædem sacram in suburbio, & bene ordi-  
natam scholam s. gymnasium habent. Medici Evan-  
gelicæ Religionis, in urbe sunt sequentes. D. Carolus  
Reygerus, Raiger, D. Torkos, D. Koller, natione  
Saxo, D. Windisch, D. Hermann; unus Romano-  
cathol. & unus Iudæus, nomine Marpurger. D. And. Her-  
mannus, medicus personæ Cardinalis purpurati Csaki,

egregius physicus & docimasta est, qui ferme omnia minerarum Hungaricarum genera & species curiosis offerre potest. Invenit sal purgans Hungaricum, & diss. epistol. de isto, sub titulo: Diss. epistol. de sale nativo cathartico in fodinis Hungariæ recens invento, &c. 4t. Pofonii, 1721. edidit. Officinas pharmaceuticas Evangelicorum urbs quatuor, & duas Romano-Catholicorum, quarum una in Collegio Soc. Iesu Patrum, & altera in fratrum Misericordiæ monasterio prostat, numerat. Regni Præfecti & status provinciales hic loci dies suos comitiales peragunt. Reges quoque Reginæque hic coronantur.

*Arx Regia* colli admodum edito ad Danubium ante urbem, quam subiectam tuetur, imposita, est præstantissima, quadrata, castello probe munito cincta, in nullo non angulo turrem spectabilem habet; in quadam ex his quatuor turribus Danubium versus crypta convexa, admodum in lapidum visceribus profunda, coronam Regiam & Insignia Regni Hungarici custodit. Hæc omnium conspectum fugiunt, cum ex duobus Hungariæ Magnatibus quilibet peculiarem ad hujus fornices clostra habeat clavem, quæ non, nisi sint ambo præsentēs, aperiri possunt. Imperatoria vero Majestas clavem universalem, *den Haupt-Schlüssel*, possidet. Sunt, qui perhibent, septem Dynastas Hungaricos conservare & custodire claves ad hanc gazam, neminem solum istam aperire posse, sed nunquam non necesse fore, omnes & singulos adesse, quæ vero relatio veritati contradicit, cum saltim duo istas claves conservent. Diadema, inter insignia, inprimis maximi pretii æstimatur. Tradunt, angelum, legatum divinum, istud cœlitus ad coronationem primi Hungarorum Regis Stephani, in terram deportasse. Alii contra volunt, istud cœlo in terram delapsum, interque cadendum parum in isto fractum,

ctum, quod nulla artificis manu reparari possit. Revera autem hæc corona est opus & factura Græcorum, Regique Stephano a Pontifice maximo Romano Posonium transmissa. Conf. Mart. Schmeitzelius de Insignibus, vulgo Clenodiis, Regni Hungariæ. 4t. Jenæ 1713. it. Ej. Comment de Coronis, speciatim Regni Hungariæ 4t. Ib. 1712. it. E. Browns Reisen. p. 95. 96. it. Küchelbeckeri Nachricht vom Röm. Kay. Hof etc. p. 76. In dicta arce regionem, plus duodecim milliarium amplam, inpr. deorsum versus Danubium, quæ paradisum æternum refert, oculis profecuti sumus. Collis, cui arx imposita, petrosus lapide scissili est, intercurrentibus passim perelegantibus Talci aut glaciei, quam vocant, Mariæ, venis ad duorum triumve digitorum latitudinem.

*Rane* Polonii in Hungaria, teste viro indubitatae fidei, Jac. Tollio, in Epist. Itiner. V. p. 141. alio modo coaxant, atque in Germania; sonus est, ut si ex cornu sonuisses Corrouk. Nos non meminimus, hic loci ranas vidisse, nec harum clamores inaudivisse.

Non procul Posonio olim *sulphuraria*, in qua inflammabile sulphur ex minera coquebatur, fuit de qua vero pronuncie incolis loci nihil amplius constat.

In aquis ad urbem Danubialibus *Husones* maximi, pisces bonam ac delicatam carnem mensis præbentes, capiuntur. Zeillerus in Descriptione Regni Hungar. p. 235. huic urbi *thermas* tribuit, sed fallit, quia puteus est frigidus. Ad portulam, das Fischbürlein dictam, non procul a ripis fluvii Danubii est balneum, aqua scaturit frigida, sed teporata adhibetur; virtutes pyritæ tribuendæ. Maxime vero aqua Danubialis per canales in portum quendam, proxime ad Danubium situm, ducitur, qua calefacta & in patentissimi oris dolia s. vannos ususa incolæ ad lavandum utuntur.

Civitas in vicinia optimas foli expositas vineas, quæ se ad duorum mill. spatium extendunt, habet. Vitiferi colles nobile vinum ferunt. Montes proximi quoque sylvas pascuas habent.

Festo annunciationis Mariæ nundinæ solennes annuæ hic celebrabantur, in quibus specificæ multa plaustri integra *allio* & *capis* onusta divendebantur, quod Hungarorum & Polonorum aroma domesticum, priores dicti crudum, non coctum, cum carne bubula, quæ in Hungaria sapidissima est, vel assa mensis ordinarie imponere solent. Allium enim, nec non vinum, sunt duo præstantissima Hungariæ nationis remedia, ex officinis pharmaceuticis raro aliquid, nec multum, petit, æstimat enim, Allium & capas medicinam ferme universalem esse. Mart. Zeilerus annotavit, quod Hungari peculiari cum appetitu Allium in usum trahere solerent, non aliter ac Hispani raphanum. Allium acre est, nimius eius usus alvum turbat, flatu & borborygmos gignit, oris anhelitum foetore Judaico imbuit; contra cibis assumptum lumbricos exstinguit & propellit, asthmaticis prodest, urinam retentam & alvum ciet, mensesque educit. Cæpæ innata sua acrimonia (sunt in Hungaria dulciores, quam in Germaniæ terris) aliis cibis condimento sunt, nimius autem earum usus dolores capitis facit. Hoc vero probe notandum Hungaros firmæ robustæque constitutionis quam vino optimæ notæ & allio in acceptis ferunt, esse viros, parum & raro morbis corporisque infirmitatibus obnoxios.

*Tabaco*, quem Hungari & Razi integris plaustis ex Hungaria superiori & Turcia advehunt, hic multum quoque negotiatur. Plura, quam sedecim, pro diversitate foliorum peti, pulveris nasalís genera hic parantur.

Incolæ urbis peculiaris civilitatis laudem merentur, &, licet tota natio Hungarica sale humanitatis & morum

rum elegantia spectabilis sit, credimus tamen, hunc locum reliquis, in puncto reverentiæ, palmam præripere posse.

Ad domum quandam in urbe caput mortuum humanum adpictum vidimus, addito lemmate:

Optima philosophia & sapientia est de morte meditari!

Ad aliam purgatorium, quod plurimæ morte carentes animæ replebant, adpictum, super quod in cruce mundi salvator, cuius latus apertum sanguinem largiter fundebat, pendebat, ante istum ad pedes mater Dei flexis genibus sedebat, dicens:

Per crucem & sanguinem tuum libera nos Domine!

Urbs quoque typographeum habet, quo vero Evangelici raro utuntur, sunt enim coacti nunquam non sua manuscripta prius ad censuram cum patribus Soc. Iesu communicare, qui sæpius non tantum lineas, sed integras paginas, foliaque oblitterant, sensum corrumpunt, adulterant, vel hoc quoque modo plane alium sensum, rebus & dictis opinionique veri auctoris plane contrarium affingunt.

Signa urbis mnemonica vid. Ep. It. XLIX. *Cerevisia* duplicata, das doppelte Bier / quam hic coquunt, est brunni coloris, pinguis & admodum delicata.

*Nummophylacium* Cæsarii telonarii, Dom. Kemplins, numismata antiqua veterum Romanorum, Græcorum, Judæor. Gothor. Hungarorum, &c. quæ, quod ad maximam partem in Turcia, Dalmatia, Græcia, Transsylvania, Hungaria, &c. ex terra eruta, offerens, non sine peculiari voluptate perlustravimus. Aliquot mill. thaler. æstimatur.

Incolæ quatuor *linguis*, nempe Hungarica, Slavonica, (Windisch oder Slovackisch) Latina & Germanica verba sua fundunt. *Moneta* Hungarica & Cæsarea, nec non nummi argentei unciales & semiunciales Gallici hic



hic valent, & in commerciis in usu sunt. *Vestitus* Germanicus hic cessat, & Hungaricus, plus satis magnificus, incipit.

Annis 1515. 1563. 1590. 1642. & 1703. urbs magna ex incendiis perpeſſa fuit damna; præterea variis quoque in bellis obſidione cinſta. Anno 1108. Germani corona mœnia undique, ſed fruſtra, aggrediebantur, paulo tamen poſt Rex Ottocarus & urbem & arcem expugnavit. Anno. 1619. Princeps Tranſylvaniæ, Bethlem Gabor iſtam capiebat; ruſus milites Cæſarei anno 1621. & Turcæ 1683. oppugnabant quidem, ſed cruenti, maximo cum damno, propulſabantur.

*Mons Regius, der Königsberg* dictus, ante urbem ſitus eſt, ad hunc Neo-Rex, equo inſidens agili, poſt coronationem celerrimo curſu equitat, & ibidem Divi Stephani, qui Hungaros ad fidem Chriſtianam convertit, machæra tres ictus decuſſatim in aëra mittit, in ſignum, ſe velle veram ſalvificam religionem adverſus infideles ſtrenue defendere vid. plura de hac urbe apud Tollium l. c. & apud Matth. Puel in Itinerario Thalaffico. p. 30. Reliquum rogo, favore, quem a *Tuo* candore expecto, excipias has res Poſoniennes memoratu a me dignas judicatas. Memorabilia Tyrnaviſia, Neofolienſia & reliqua his mox ſequentur. Vale, Muſarum ornamentum, & diu bono eccleſiaſtico erudito & publico vive, meque porro. amare perge prorſus Tuum. Scrib. Wolfenb. Menſ. Oct. 1735.

T. T.

BRVCKMANNVS, D.

— ( o ) —

*Ad Ep: I<sup>o</sup>: XLVIII.*

